

【经文信息】大正藏第 19 册 No. 0975

白伞盖大佛顶王最胜无比大威德金刚无碍大道场陀罗尼念诵
法要 1 卷

No. 975

白伞盖大佛顶王最胜无比大威德金刚无碍大道场陀罗尼念诵法要

归命遍法界	尘刹诸如来
化相奇特尊	最胜佛顶族
敬礼大悲者	持莲菩萨众
净除业障垢	广利诸有情
归依秘密主	金刚手藏王
从佛受坚牢	护持于一切
明尊大仙众	声闻缘觉支
天龙苏药叉	日夜常恭敬
是大白伞盖	遍覆于大千
神变难思议	虚空无障碍
诸佛咸称赞	名大佛顶王
因此证菩提	能转无上法
众圣同游学	我亦随顺修
略撮秘要仪	咸愿垂加护
初吽入道场	观瞻一切佛
先以净三业	悟本性无垢
身器悉清净	体同诸如来
遍满于虚空	运心普敬礼
忏悔无边罪	同归法性空
劝请诸如来	常住世不灭
随喜人天福	广利益群生
回向以一心	俱登萨婆若

发愿此世与当来 常得广行菩萨道

净器界真言曰。

曩莫萨缚没驮冒(引)地萨怛缚(二合)唵秫(入)殿努戍(引)驮曩野娑缚(二合)贺

此大清净明。通用如来部。先以作澡洒。即结念诵室。由诵七遍已。身口意三业。乃至遍法界。一切悉清净。

次当普礼一切如来。真言曰。

唵萨缚怛他(去引)蘄多播(引)娜满曩(引)南迦卢弭

由三诵真言。运心同法界。遍满微尘刹。礼事悉圆满。

次忏无始罪障真言曰。

唵萨缚播波娜贺曩嚩日罗(二合)野娑缚(二合)贺

由三诵真言。忏悔一切咎。无间罪如草。焚灭尽无余。

尔时释迦牟尼佛告一切菩萨大众善男子汝等应授一切如来出生三摩地无比力超胜一切如来住真言身一切如来族真实大印真言。无比威光神通。缘出无边奇特大威神。能生一切菩萨。能摧一切俱低魔众。摄伏一切难调之人。起于慈心悉能成办一切事业利益成就。今说大印。

次对本尊结跏趺坐。涂香涂手结诸佛菩萨金刚部三昧耶印。以手内叉拳禅智并申竖。随句诵真言。以印安于顶。此一切如来心大印。

次屈智入掌中。是持莲密印。随句诵真言。移安顶右。次屈禅入掌。却申竖智度。一切金刚族。所持之密印。随诵真言句。移印安顶左。一切同一明。三部悉具足。

真言曰。

曩莫萨缚没驮冒(引)地萨怛缚(二合)南阿(去)尾罗吽(引)欠(平)

由结一切如来等大印。以大勤勇心真言一切如来真实法加持故。悉能解脱地狱傍生焰摩恶趣。能令一切有情作如来事。摄召一切菩萨圣众。能召诸天梵王帝释夜摩水天俱尾罗等。十地菩萨大自在者。尚能请召何况余。

次结金刚甲冑护身印。

二羽结钩拳。左横仰脐下。右钩贯五处。心额肩喉顶。随诵真言曰。

曩莫三(去)满多没驮南唵部(入引)入缚(二合)攞帝惹叶

以此甲冑明。修行者应用。悉印于遍身。即成大加护。一切佛顶中。是印大威德。诸魔不陵逼。被甲犹如王。能成一切事。速疾得悉地。

次应大轮印。金刚轮。

次结无能胜大印。明王辟除魔障印。应跪右膝竖左膝。左手向后作搭势。右拳竖进当于心。陵身向前期克状。

真言曰。

曩莫三(去)满多没驮南唵户嚧户嚧战拏里摩蹬祇(研以切)娑缚贺

无能胜大明。是佛之所说。能摧一切魔。能辟除诸障者。大力欲自在。世间魔军王。波旬亦自在。世天大威德。无量俱低魔。若欲作障难。现作种种状。魔军恐怖形。由结印诵明。故自然悉退散。当用作加持。成就佛顶者。于大障碍处。常得大加护。

次结迎请印。

二羽内叉拳。忍愿竖申合。上节屈如钩。来去成迎请。

普通奉请一切佛顶王真言曰。结印已。先于印上置香花。掷于坛内然诵真言。

曩莫(引)娑(去)誑缚都邬瑟拏(二合)涩野翳酰曳呬娑(去)誑鏖(二)达摩罗惹钵罗(二合)底磋曩摩罗伽(二合四)嚧补涩波(二合)度波末邻(上)左[牟*含]者擗(七)罗乞洒(二合引)钵罗(二合)底贺多(十)么罗跋罗(二合)訖罗(二合)么也娑缚(二合)贺(引)

结印三诵明。警觉一切佛。迎请诸如来。悉皆而降赴。

次结光聚印。檀惠并申竖。戒方屈跏头(上节)忍愿倒相合。禅智申并直。进力屈相跏。以押禅智头。旋转成结界。真言诵七遍。

曩莫三(去)满多没驮南阿钵罗(二合)底贺哆舍娑曩南唵(引)怛他(引)蘗妬(引)瑟膩沙阿曩缚路积多暮[口*栗](二合)驮曩帝儒(引)罗施吽入缚(二合)攞入缚(二合)攞驮迦驮迦尾驮迦尾驮迦捺罗(二合)捺罗尾驮罗(二合)尾驮罗嚩(去)娜嚩娜频娜频娜吽吽泮咤泮咤娑缚(二合)贺

若用护身。即三股金刚杵印是。若请召本尊即以杵印。股二头指为钩来去钩之即是。此大佛顶王。号曰光明聚。猛焰炽流布。如劫火洞然。威力难思议。能摧坏一切。天魔外道众。魔酰湿缚罗。大力那罗延。并诸余天类。所有神通力。丧灭尽无余。持明大菩萨。马头明王等。闻诵此真言。威光如聚点。于大佛顶部。灭除诸难。十二由旬内。成大结界地次结办事印。二羽内叉拳。忍愿申屈合。能成办一切。左旋三匝成。辟除真言曰。

曩莫三满多没驮南咤噜吽(三合)满驮满驮吽泮咤娑缚(二合)贺

此办事真言。一切佛顶心。由纔忆念故。水陆诸障者。所有欲损害。悉皆禁其口。结印当于心。加持于五处。次结莲华印。如敷八叶莲。诸佛如来座。至心而奉献。真言诵七遍。

曩莫萨缚没驮冒(引)地萨怛缚(二合引)南唵吽迦摩攞野娑缚(二合)贺

由此奉献故。诸佛受其座。当来克获得。胜妙金刚座。次结奉阙伽。广大真实供。泛以香白花。诚心而奉献。即以金刚拳。忍愿竖头合。进力屈背后。禅智捻进根。

真言曰。

曩莫(引)娑(去)誡缚覩瑟拏(二合)洒野(一)翳[牟*含]嚩谈(三)补涩波(补其反四)度啍(五)末览(六)儼半者(七)钵罗(二合)底(末)瑳(八)贺罗贺罗(九)萨缚没驮(十)地瑟耻(二合)帝(十一)达磨罗(引)惹(十二)钵啰(二合)底(丁以反)贺哆野(十三)娑缚(二合)贺(引)

由诵此真言。奉献如来故。遍于微尘刹。成就众妙供。次结佛眼印。一切佛顶中。应用此大印。清静而受持。最胜灭诸罪。于诸佛顶王。常结于此契。决定得悉地。不久必成就。一切佛顶法。设积百劫福。若得此印明。其福与彼等。此佛眼真言。能成一切业。从十俱胝佛。如来所受持。由纔忆念明。

一切圣天现。一切真言教。法皆得成就。暴恶瞋怒前。应诵得欢喜。难调恶鬼神。降伏皆随顺。鬪战净讼处。一切得寝净。先后诵七遍。速疾成证验。

次结金轮佛顶一字王印。

二羽内叉拳。忍愿并申合。屈上第三节。开屈进力头。平等禅智申。七遍真言曰。

na maḥ sa ma nta bu ddhā nāṃ oṃ bhrūṃ
曩 莫 三 曼 多 没 驮 南 唵 [口*部]噜唵(三合)

恒河沙数量。如来之所说。现在佛今说。未来佛当说。此印名大印。说为顶轮王。此印即是佛。利益诸有情。由明大威德。制伏诸贤圣。于五由旬内。令他尊不降。十地诸菩萨。迷闷失本心。何况余少类。而能现神力。智者成就人。若此结印处。诸邪魔障地。是处不敢住。于百俱胝劫。设于千恒沙。如是沙数量。亦不能说尽。功德及福利。称扬威德力。智者若受持。常不被沮坏。如来大师说。而不能赞叹。于修佛顶者。速疾得成就。

次结普通一切佛顶成就印。

二羽内叉拳。忍愿申而竖。以屈相上节。普通一切用。真言诵七遍。印于顶上散。

曩莫三(去)满多没驮南唵拏噜唵(三合)满驮娑缚(二合引)贺(引)

由此印。如观覩请佛。难调诸药叉。龙及苏罗众。一切恶罗刹。并及诸魔罗。由此明威德。惊怖悉消融。若得此印契。能获诸安乐。国王世间等。于彼常利益。欲求法利者。决定而获得。普通真言王。成就果报故。

次结一切佛通覆大千身不见其边际白伞盖佛顶王大印或结百亿诸佛同心印。诵大真言七遍。

次结白伞盖。根本之大印。二手虚心合。戒方屈入掌。以其禅智面。并押戒方甲。进力屈令圆。是佛伞盖印。真言诵七遍。则于顶上散。真言曰。

曩莫三(去)满多母驮南阿钵罗(二合)底贺哆舍娑曩(引)南唵怛他(引)藁覩瑟拏(二合)沙阿曩缚路吉多母[口*栗]驮(二合)斫訖罗(二合)缚罗(二合)底唵摩摩吽(引)[目*匿](徧义反引)

此大佛顶王。殊胜无与等。是佛大悲力。师子吼流出。一切佛加持。大悲照忧暗。甚深知无垢。令作诸吉祥。菩萨及诸天。而不能沮坏。获得不退转。一切悉安乐。众毒不能伤。天龙不敢近。书写及诵持。速疾证悉地。

次持念珠。加持七遍。捧之顶戴。然为念诵。百八或千八。收珠置本处。复结本尊印。住于三摩地。赞叹佛功德。供养如前献。

复结三昧耶护身礼佛而退。捻珠印。以左右二手。以禅智。各捻戒方甲。伸忍愿申进力。屈于忍愿后。捻珠而念诵。若欲住佛仪。而作勇健坐。端身结跏趺。结佛讫底印。左仰掌跏上。右外竖掌。以禅而押戒甲。以进屈忍背后。真言诵七遍。然入三摩地。真言曰。

曩莫三满多没驮南尾惹曳摩贺钵讫底(二合)訖驮哩吽泮咤尾惹以徧吽泮咤莽誡梨吽泮咤娑缚(二合)贺

若结此印者。不夺其威力。今世及他世。获得如来力。若诵此真言。诸佛皆加护。修持佛顶王。三时常忆念。速疾得成就。三界中无碍。是大佛顶王。密印法无量。今为修行者。略集少秘要。若乐大法者。从师求灌顶。得授三昧耶。应当广咨学。大白伞盖大佛顶念诵法。

此法秘密。未入灌顶人不得辄闻。其修行者取成就。若拟自求悉地兼为本尊者。辄亦不得传授与人密印。大三昧耶严密。真言曰。

唵商(上)羯哩摩贺(引)三昧盐满驮满驮娑缚(二合)贺

加持念珠真言曰。

曩莫婆(去)誡缚帝素弟娑驮野悉驮罗梯(去二合)娑缚(二合)贺

净念珠真言合掌捧珠。

唵阿娜步(二合)帝尾惹曳悉地悉驮罗梯(二合)svā hā

白伞盖佛顶瑜伽秘要略念诵一卷

时延享元星舍阙逢困敦暮秋十日讎校之寿梓焉大和长谷轮下

va jra ya na 无等志

【经文信息】大正藏第 19 册 No. 0975 白伞盖大佛顶王最胜无比大威德金刚无碍大道场陀罗尼念诵法要

【版本记录】CBETA 电子佛典 Rev. 1.12 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
